



·10392

題周美成詞

文章政事初非兩塗學之優者發詞稱爲政必有可觀詞政有其暇則游藝於詠歌者必其詞才有餘辨詞者也深詞水爲負山之邑官賦浩穰民訟紛沓似不可以絃歌爲政而待制周公元祐癸酉春中爲邑長於斯其政敬簡民到於今稱之者固有餘愛而其尤可稱者於撥煩治劇之中不妨舒嘯一觴一詠句中有眼贈炙人口者又有餘聲聲洋洋乎在耳側其政有不亡者存余慕周公之才名有年於茲不謂於八十餘載之後踵公舊蹤既喜而且媿故自到任以來訪其政事於所治後圃得其遺政有亭曰姑射有堂曰蕭閒皆

片玉詞序

取神仙中事揭而名之可以想像其襟抱之不凡而又睹新綠之地隔清之蓮依然在目抑又思公之詞其無寫物能曲盡其妙方思有以發揚其聲之不可忘者而未能及乎暇日從容式燕嘉賓歌者在上果以公之詞爲首唱夫然後知邑人愛其詞乃所以不忘其政也余欲廣邑人愛之之意故哀公之詞旁搜遠紹僅得百八十有二章釐爲上下卷迺輟俸餘鳩工鋟木以壽其傳非惟慰邑人之思亦蘄傳之有所托俾人聲其歌者足以知其才之優於爲邑如此故冠之以序而述其意云公諱邦彥字美成錢塘人也涪熙歲在上章因敦孟陬月圍赤奮若晉陽強煥序

片玉詞目錄

卷上

瑞龍吟 一調

風流子 二調

華胥引 一調

意難忘 一調

宴清都 一調

蘭陵王 一調

鎖窗寒 一調

隔浦蓮 近拍 一調

蘇幕遮 一調

早梅芳 近 二調

四園竹 一調

驀山溪 一調

側犯 一調

齊天樂 一調

荔枝香 近 二調

水龍吟 一調

六醜 一調

塞垣春 一調

片玉詞目錄

掃花遊 一調

夜飛鵲 一調

滿庭芳 一調

花犯 一調

大酺 一調

霜葉飛 一調

法曲獻仙音 一調

渡江雲 一調

應天長 一調

玉樓春 五調

傷情怨 一調

品令 一調

木蘭花令 一調

秋蕊香 一調

菩薩蠻 一調

玉團兒 一調

醜奴兒 三調

感皇恩 二調

宴桃源 二調

月中行 一調

漁家傲 二調

定風波 一調

蝶戀花 十調

紅羅襖 一調

少年遊 四調

還京樂 一調

解連環 一調

綺寮怨 一調

玲瓏四犯 一調

丹鳳吟 一調

憶舊遊 一調

拜星月慢 一調

例犯 一調

減字木蘭花 一調

木蘭花令 一調

驀山溪 二調

青玉案 一調

一翦梅 一調

水調歌頭 一調

南柯子 二調

關河令 一調

鵲橋仙令 一調

花心動 一調

雙頭蓮 一調

片玉詞目錄

長相思 四調

大有一調

萬里春 一調

鶴冲天 二調

卷下

解語花 一調

鎖陽臺 三調

過秦樓 一調

解蹀躞 一調

蕙蘭芳引 一調

六么令 一調

紅林擒近 二調

滿路花 二調

氏州第一 一調

尉遲杯 一調

塞翁吟 一調

繞佛閣 一調

慶春宮 一調

滿江紅 一調

丁香結 一調

三部樂 一調

西河 二調

一寸金 一調

瑞鶴仙 二調

浪淘沙慢 二調

西平樂 一調

玉燭新 一調

南鄉子 五調

望江南 二調

浣溪紗 十調

浣溪紗慢 一調

點絳脣 四調

夜遊宮 三調

訴衷情 三調

一落索 二調

迎春樂 三調

虞美人 六調

醉桃源 二調

鳳來朝 一調

垂絲釣 一調

粉蝶兒慢 一調

紅窗迥 一調

念奴嬌 二調

片玉詞目錄

三

黃鸝繞碧樹 一調

鬢雲鬆令 一調

芳草渡 一調

歸去難 一調

燕歸梁 一調

南浦 一調

醉落魄 一調

留客住 一調

長相思慢 一調

看花迴 二調

月下笛 一調

補遺

十六字令 一調

浣溪紗 二調

憶秦娥 一調

柳梢青 一調

南鄉子 一調

蘇幕遮 一調

畫錦堂 一調

齊天樂 一調

女冠子 一調

片玉詞目錄

四

片玉詞目錄

終

片玉詞卷上

宋 周邦彥

瑞龍吟

章臺路還見褪粉梅梢試華桃樹情情坊陌人家定
 巢燕子歸來舊處 黯凝仙因記箇人癡小乍窺門
 戶侵晨淺約宮黃障風映袖盈盈笑語 前度劉郎
 重到訪隣尋里同時歌舞唯有舊家秋娘聲價如故
 吟殘賦筆猶記燕臺句知誰伴名園露飲東城閒步
 事與孤鴻去探春盡是傷離意緒官柳低金縷歸騎
 晚纖纖池塘飛雨斷腸院落一簾風絮按此調自章
 臺路至歸來
 舊處是第一段自黯凝仙至盈盈笑語是第二段此
 謂之雙換頭屬正平調自前度劉郎以下即犯大石

片玉詞上

係第三段至歸騎晚以下四句再歸正平坊刻皆于
 聲價如故分段者非○侵晨淺約宮黃或作宮妝非
 攷梁簡文帝詩約黃能效月李賀詩宮人面靨黃○猶
 記燕臺句或作蘭臺句非攷李義山柳枝詩序云柳
 枝洛中里娘也年十七不聘余從昆讓山北柳枝居
 為近他日春陰讓山下馬柳枝南柳下詠余燕臺詩
 柳枝驚問誰人為是讓山曰此吾少年叔耳柳枝手
 斷長帶結讓山為贈叔乞詩明日策馬出是巷柳
 枝了鬢畢妝抱立扇下博山香待與郎俱
 後三日隣當去濺裙水上以博山香待與郎俱

風流子

楓林凋晚葉關河迴楚客慘將歸望一川暝靄雁聲
 哀怨半規涼月人影參差酒醒後淚花銷鳳蠟風幕
 卷金泥砧杵韻高喚回殘夢綺羅香滅牽起餘悲
 亭臯分襟地難堪處偏是掩面牽衣何況怨懷長結
 重見無期想寄恨書中銀鈎空滿斷腸聲裏玉筯還

垂多少暗愁密意唯有天知

又

新綠小池塘風簾動碎影舞斜陽羨金屋去來舊時
巢燕土花繚繞前度葍牆繡閣裏鳳幃深幾許聽得
理絲簧欲說又休慮乖芳信未歌先噎愁轉清商

遙知新妝了開朱戶應自待月西廂最苦夢魂今宵
不到伊行問甚時却與佳音密耗寄將秦鏡偷換韓

香天便教人霎時斷見何妨寄將秦鏡偷換韓香一作秦女韓郎非攻賈充

文悅韓壽美姿遂通焉竊奇香以與壽樂府云盤龍
明鏡餉秦嘉辟惡生香寄韓壽美成全用此作對

華胥引

川原澄映煙月冥濛去舟似葉岸足沙平蒲根水冷

片玉詞上

二

留雁唳別有孤角吟秋對曉風鳴軋紅日三竿醉頭
扶起還怯離思相縈漸看看鬢絲堪鑷舞衫歌扇

何人輕憐細閱點檢從前恩愛鳳牋盈筐愁翦燈花

夜來和淚雙疊舞衫歌扇一作舞靴非魏詩
云舞衫飄細縠歌扇掩輕紗

意難忘

衣染鶯黃愛停歌駐拍勸酒持觴低鬟蟬影動私語
口脂香簷露滴竹風涼拚劇飲淋漓夜漸深籠燈就
月子細端相知音見說無雙解移宮換羽未怕周

郎長鬢知有恨貪耍不成妝些箇事惱人腸試說與

何妨又恐伊尋消聽息瘦損容光周喻少精音樂雖
三爵之後其有闕

誤瑜必知之必顧故時人語云曲有
誤周郎顧歎未怕周郎一作江郎非

宴清都

地僻無鐘鼓殘燈滅夜長人倦難度寒吹斷梗風翻
暗雪灑窗填戶賓鴻漫說傳書算過盡千儔萬侶始
信得庾信愁多江淹恨極須賦 淒涼病損文園微
絃仁拂音韻先苦淮山夜月金城暮草夢魂飛去秋
霜半入清鏡歎帶眼都移舊處更久長不見文君歸
時認否

蘭陵王

柳

柳陰直煙縷絲絲弄碧隋隄上曾見幾番拂水飄綿
送行色登臨望故國誰識京華倦客長亭路年去歲
來應折柔條過千尺 閒尋舊蹤跡又酒趁哀絃燈

片玉詞上

三

照離席梨花榆火催寒食愁一箭風快半篙波暖回
頭迢遞便數驛望人在天北 悵惻恨堆積漸別浦
縈迴津埃岑寂斜陽冉冉春無極念月榭攜手露橋
聞笛沈思前事似夢魂裏淚暗滴

鎖窗寒

寒食

暗柳啼鴉單衣竚立小簾朱戶桐陰半畝靜鎖一庭
愁雨灑空階夜闌未休故人翦燭西窗語似楚江暝
宿風燈零亂少年羈旅 遲暮嬉遊處正店舍無煙
禁城百五旗亭喚酒付與高陽儔侶想東園桃李經
春小脣秀靨今在否到歸時定有殘英待客攜尊俎

時刻或於遲
暮下分段

隔浦蓮近拍

中山縣圖姑射亭避暑作

新篁搖動翠葆曲徑通深窈夏果收新脆金丸落驚
飛鳥濃蔭迷岸草蛙聲鬧驟雨鳴池沼水亭小浮

萍破處簾花簷影顛倒綸巾羽扇困卧北窗清曉屏

裏吳山夢自到驚覺依前身

在江表下分刻或於池沼

落驚飛鳥一作金丸落飛鳥注引李賀詩云金丸落
丸落飛鳥按譜第四句第五句皆三字宜作金丸落
驚飛鳥或韓媽好彈以金爲丸打飛鳥一日所失十
餘人爭拾之時人爲之語曰若飢寒逐金丸○簾花
蓋簷影一作簷花簷影杜子美詩云燈前細雨簷花落
無致味周美成用簷花蒼溪漁隱病其與
本意未合花庵詞選作簾花簷影今從之

蘇幕遮

療沈香消溽暑鳥雀呼晴侵曉窺簷語葉上初陽乾

片玉詞上

四

宿雨水面清圓一一風荷舉故鄉遙何日去家住

吳門久作長安旅五月漁郎相憶否小檝輕舟夢入

芙蓉浦

早梅芳近

譜無近字

花竹深房櫳好夜闌無人到隔窗寒雨向壁孤燈弄

餘照淚多羅袖重意密鶯聲小正魂驚夢怯門外已

知曉去難留話未了早促登長道風披宿霧露洗

初陽射林表亂愁迷遠覽苦語縈懷抱慢回頭更堪

歸路杳

又

繚牆深叢竹繞宴席臨清沼微呈織履故隱烘簾自

嬉笑粉香妝暈薄帶繫腰圍小看鴻驚鳳翥滿座歎
輕妙酒醒時會散了回首城南道河陰高轉露腳
斜飛夜將曉異鄉奄歲月醉眼迷登眺路迢迢恨滿
千里草

四園竹

浮雲護月未放滿朱扉鼠搖暗壁螢度破窗偷入書
幃秋意濃閒竝立庭柯影裏好風襟袖先知夜何
其江南路繞重山心知漫與前期奈向燈前墮淚腸
斷蕭娘舊日書辭猶在紙雁信絕清宵夢又稀

驀山溪

湖平春水藻荇縈船尾空翠撲衣襟拊輕棹遊魚驚

片玉詞上

五

避晚來潮上迤邐沒沙痕山四倚雲漸起烏度屏風
裏周郎逸興黃帽侵雲水落日媚滄洲泛一棹夷
猶未已玉簫金管不共美人遊因箇甚煙霧底偏愛
尊羹美

側犯

暮霞霽雨小蓮出水紅妝靚風定看步鞦江妃照明
鏡飛螢度暗草秉燭遊花徑人靜攜豔質追涼就槐
影金環皓腕雪藕清泉瑩誰念省滿身香猶是舊

荀令見說胡姬酒爐寂靜煙鎖漠漠藻池苔井

詳念
省滿

身香猶是舊荀令或作舊時令非荀令年十五體
能生香擬國婚之選不欲連姻帝室遠邁長沙故李
端贈郭駙馬詩云焚香荀令偏憐小○見說胡姬酒
爐寂靜或作文姬非攻辛延年詩云昔有霍家奴姓

馮名子都依倚將軍勢調笑酒家胡胡姬年十五春日獨當爐長裾連理帶廣袖合歡襦左傳注胡姬乃齊景公妾也

齊天樂

綠蕪彫盡臺城路殊鄉又逢秋晚暮雨生寒鳴蛩勸織深閣時聞裁翦雲窗靜掩嘆重拂羅衲頓疎花簪尚有練囊露螢清夜照書卷 荆江留滯最久故人相望處離思何限渭水西風長安亂葉空憶詩情宛轉凭高眺遠正玉液新勗蟹螯初薦醉倒山翁但愁斜照歛

荔枝香近

照水殘紅零亂風喚去盡日惻惻輕寒簾底吹香霧

片玉詞上

六

黃昏客枕無慘細響當窗雨看兩兩相依燕新乳

樓下水漸淥徧行舟浦暮往朝來心逐片帆輕舉何

日迎門小檻朱籠報鸚鵡如今誰念淒楚清真集作共翦西窗

密炬

又

夜來寒侵酒席露微泫烏履初會香澤方薰無端暗雨催人但怪燈偏簾卷回顧始覺驚鴻去遠 大都世間最苦唯聚散到得春殘看卽是開離宴細思別後柳眼花鬚更誰翦此懷何處消遣

水龍吟

梨花

素肌應怯餘寒豔陽占立青蕪地樊川照日靈關遮

路殘紅歛避傳火樓臺妬花風雨長門深閉亞簾櫳
半溼一枝在手偏勾引黃昏淚 別有風前月底布
繁陰滿園歌吹朱鉛退盡潘妃卻酒昭君乍起雪浪
翻空粉裳縞夜不成春意恨玉容不見瓊英慢好與
何人比

六醜

薔薇謝
後作

正單衣試酒恨客裏光陰虛擲願春暫留春歸如過
翼一去無迹爲問花何在夜來風雨葬楚宮傾國釵
鈿墮處遺香澤亂點桃蹊輕翻柳陌多情最誰追惜
但蜂媒蝶使時叩窗隔東園岑寂 漸蒙籠暗碧靜
繞珍叢底成歎息長條故惹行客似牽衣待話別情

片玉詞上

七

無極殘英小強簪巾幘終不似一朵釵頭顫裊向人
欹側漂流處莫趁潮汐恐斷鴻尚有相思字何由見
得或於時叩窗隔分段字句稍異○恐斷鴻尚有相
相思字或作恐斷紅上有相思字非詩云來春縱有
相思字三月
天南斷雁飛

塞垣春

暮色分平野傍葦岸征帆卸煙深極浦樹藏孤館秋
景如畫漸別離氣味難禁也更物象供瀟灑念多才
渾衰減一懷幽恨難寫 追念綺窗人天然自風韻
閑雅竟夕起相思慢嗟怨遙夜又還將兩袖珠淚沈
吟向寂寥寒燈下玉骨爲多感瘦來無一把

掃花遊

清真集作
掃地花

曉陰翳日正霧靄煙橫遠迷平楚暗黃萬縷聽鳴禽
按曲小腰欲舞細繞回隄駐馬河橋避雨信流去一
葉怨題今到何處春事能幾許任占地持杯掃花
尋路淚珠濺俎嘆將愁度日病傷幽素恨入金徽見
說文君更苦黯凝竚掩重關徧城鐘鼓

夜飛鵲別情

河橋送人處良夜何其斜月遠墮餘輝銅盤燭淚已
流盡霏霏涼露霑衣相將散離會探風前津鼓樹杪
參旗花驄會意縱揚鞭亦自行遲迢遞路回清野
人語漸無聞空帶愁歸何意重經前地遺鈿不見斜
徑都迷免葵燕麥向殘陽影與人齊但徘徊班草欷

片玉詞上

八

飲酬酒極望天西

免葵燕麥或作莪麥非劉禹錫自
遠州承召過立都觀後復主客郎

中重遊立都惟免葵燕麥搖動春風耳○但徘徊班
草或作青草非王介甫詩云班草數行衣上淚與班
荆同義

滿庭芳

夏日溧水
無想山作

風老鶯雛雨肥梅子午陰佳樹清圓地卑山近衣潤
費爐煙人靜烏鳶自樂小橋外新淥濺濺凭闌久黃
蘆苦竹擬泛九江船年年如社燕飄流瀚海來寄
脩椽且莫思身外長近尊前憔悴江南倦客不堪聽
急管繁絃歌筵畔先安簟枕容我醉時眠

花犯

梅詠

粉牆低梅花照眼依然舊風味露痕輕綴疑淨洗鉛

華無限佳麗去年勝賞會孤倚冰盤同燕喜更可惜
雪中高樹香篝熏素被今年對花最匆匆相逢似
有恨依依愁悴吟望久青苔上旋看飛墜相將見脆
圓薦酒人正在空江煙浪裏但夢想一枝瀟灑黃昏
斜照水

大酺春

對宿煙收春禽靜飛雨時鳴高屋牆頭青玉旆洗鉛
霜都盡嫩梢相觸潤逗琴絲寒侵枕障蟲網吹粘簾
竹郵亭無人處聽簷聲不斷困眠初熟奈愁極頻驚
夢輕難記自憐幽獨行人歸意速最先念流潦妨
車轂怎奈向蘭成憔悴樂廣清羸等閒時易傷心目

片玉詞上

九

未怪平陽客雙淚落笛中哀曲况蕭索青蕪國紅糝
鋪地門外荆桃如菽夜遊共誰秉燭怎奈向蘭成憔悴
蘭臺非

霜葉飛

露迷衰草疎星掛涼蟾低下林表素娥青女鬪嬋娟
正倍添悽悄漸颯颯丹楓撼曉橫天雲浪魚鱗小見
皓月相看又透入清輝半餉特地留照迢遞望極
關山波穿千里度日如歲難到鳳樓今夜聽秋風奈
五更愁抱想玉匣哀絃閉了無心重理相思調念故
人牽離恨屏掩孤顰淚流多少

法曲獻仙音

蟬咽涼柯燕飛塵幕漏閣籤聲時度倦脫綸巾困便
湘竹桐陰半侵庭戶向抱影凝情處時間打窗雨耿
無語 歎文園近來多病情緒懶尊酒易成間阻縹
緲玉京人想依然京兆眉嫵翠幕深中對徽容空在
統素待花前月下見了不教歸去或於時間打窗雨
聲時度或作滿閣非難人掌銅漏傳籤於殿中者令
投籤於階上使鎗然有聲漏籤乃籌箭也○對徽容
空在統素或作嫩容非崔徽
善歌舞慕敬中畫其形容

渡江雲

晴嵐低楚甸暖迴雁翼陣勢起平沙驟驚春在眼借
問何時委曲到山家塗香暈色盛粉飾爭作妍華千
萬絲陌頭楊柳漸漸可藏鴉 堪嗟清江東注畫舸

片玉詞上

十

西流指長安日下愁宴闌風翻旗尾潮濺烏紗今宵
正對初弦月傍水驛深艤兼葭沈恨處但時時頻剔
燈花或作銀花非吳融剪刀賦鶯
聲囀曉畫眉而頻剔燈花

應天長寒食

條風布暖霏霧弄晴池臺徧滿春色正是夜堂無月
沈沈暗寒食梁間燕社前客似笑我閉門愁寂亂花
過隔院芸香滿地狼籍 長記那回時邂逅相逢郊
外駐油壁又見漢宮傳燭飛煙五侯宅青青草迷路
陌強載酒細尋前迹市橋遠柳下人家猶自相識坊
或遺條風至
正是二十字

玉樓春

按譜木蘭花令實是一調又如滿庭芳
與鎖陽臺蘇幕遮與鬢雲鬆合之類俱

同調而異名前
後錯見姑仍之

當時攜手城東道月墮簷牙人睡了酒邊誰使客愁

輕帳底不教春夢到 別來人事如秋草應有吳霜

侵翠葆夕陽深鎖綠楊門一任盧郎愁裏老盧郎一作庾郎

非汝盧家郎年暮為校書晚娶崔氏女崔有詞翰結

請之後微有嫌色盧因請詩為戲崔立成云不怨檀

郎年絕大不怨檀郎官職卑自恨

妾身生較晚不見盧郎年少時

又或刻秦少游

玉琴虛下傷心淚只有文君知曲意簾烘樓迫月宜

人酒暖香融春有味 萋萋芳草迷千里惆悵王孫

行未已天涯回首一銷魂二十四橋歌舞地

片玉詞上

七

大隄花豔驚郎目秀色穠華看不足休將寶瑟寫幽

懷坐上有人能顧曲 平波落照涵頽玉畫舸亭亭

浮淡淥臨分何以祝深情只有別愁三萬斛

又

玉匳收起新妝了鬢畔斜枝紅裊裊淺嘖輕笑百般

宜試著春衫應更好 裁金簇翠天機巧不稱野人

簪破帽滿頭聊作片時狂頓減十年塵土貌

又

桃溪不作從容住秋藕絕來無續處當時相候赤闌

橋今日獨尋黃葉路 煙中列岫青無數雁背夕陽

紅欲暮人如風後入江雲情似雨餘黏地絮當時相候赤闌

橋絕妙詞選作當
時無奈烏聲哀

傷情怨

枝頭風信漸小看暮鴉飛了又是黃昏閉門收返照
江南人去路杳杳信未通愁已先到怕見孤燈霜寒
催睡早

品令

梅

夜闌人靜月痕寄梅梢疎影簾外曲角闌干近
手處花霧寒成陣應是不禁愁與恨縱相逢難問
黛眉曾把春衫印後期無定腸斷香銷盡

花霧寒成陣或刻花

發霧寒成陣按譜第五句宜五字且沈詩落花紛似霧增一發字便少味

木蘭花令

暮秋餞別

片玉詞上

十三

郊原雨過金英秀風掃霜威寒入袖感君一曲斷腸
歌送我十分和淚酒古道塵清榆柳瘦繫馬郵亭
人散後今宵燈盡酒醒時可惜朱顏成皓首

秋蕊香

乳鴨池塘水暖風緊柳花迎面午妝粉指印窗眼曲
裏長眉翠淺聞知社日停針線貪新燕寶釵落枕
夢魂遠簾影參差滿院

菩薩蠻

銀河宛轉三千曲浴鳥飛鷺澄波淥何處望歸舟夕
陽江上樓天憎梅浪發故下封枝雪深院捲簾看
應憐江上寒

玉團兒

清真集
不載

鉛華淡艸新妝東好風韻天然異俗彼此知名雖然
初見情分先熟 爐煙淡淡雲屏曲睡半醒生香透
肉賴得相逢若還虛過生世不足

醜奴兒

詠
梅

肌膚綽約眞仙子來伴冰霜洗盡鉛黃素面初無一
點狀 尋花不用持銀燭暗裏聞香零落池塘分付
餘妍與壽陽

又 下二闕
清真集不載

南枝度臘開全少疎影當軒一種宜寒自共清蟾別
有緣 江南風味依然在玉貌韶顏今夜凭闌不似

片玉詞上

三

釵頭子細看

又

香梅開後風傳信繡戶先知霧溼羅衣冷豔須攀最
遠枝 高歌羌管吹遙夜看卽分披已恨來遲不見
娉婷帶雪時

感皇恩

露柳好風標嬌鶯能語獨占春光最多處淺顰輕笑
未肯等閒分付爲誰心子裏長長苦 洞房見說雲
深無路憑仗青鸞道情素酒空歌斷又被瀟江催度
怎向言不盡愁無數

又 清真集
不載

小閣倚晴空數聲鍾定斗柄垂寒暮天靜朝來殘酒
又被春風吹醒眼前猶認得當時景 往事舊懽不
堪重省自歎多愁更多病綺窗依舊敲徧闌干誰磨
斷腸明月下梅搖影

宴桃源

塵暗一杯文繡淚溼領巾紅皺初暖綺羅輕腰勝武
昌官柳長晝長晝間卧午窗中酒

塵暗一杯文繡清
眞集作塵滿一絳

文繡

又

門外迢迢行路誰送郎邊尺素巷陌雨餘風當面溼
花飛去無緒無緒閒處偷垂玉筍

片玉詞上

齒

月中行

蜀絲趁日染乾紅微暖口脂融博山細篆靄房櫳靜
看打窗蟲 愁多膽怯疑虛幕聲不斷暮景疎鐘團

圍四壁小屏風淚盡夢啼中

團團四壁小屏風一作團團一面小屏風非孫

亮作團琉璃屏風多布螢其中月下清夜舒之常籠
四姬皆比絕色使入四座屏風內望之若無隔惟香
氣不通於外

漁家傲

灰暖香融銷永晝蒲萄上架春藤秀曲角闌干羣雀
鬪清明後風梳萬縷亭前柳 日照釵梁光欲溜循
階竹粉霑衣袖拂拂面紅新著酒沈吟久昨宵正是
來時候

又

幾日輕陰寒惻惻東風急處花成積醉踏陽春懷以
國歸未得黃鸝久住如相識 賴有蛾眉能暖客長
歌屢勸金杯側歌罷月痕來照席貪歡適簾前重露
成涓滴

定風波

莫倚能歌歛黛眉此歌能有幾人知他日相逢花月
底重理好聲須記得來時 苦恨城頭傳漏永口口
無情豈解惜分飛休詠金尊推玉臂從醉明朝有酒
遣誰持

蝶戀花

柳詠

片玉詞上

五

愛日輕明新雪後柳眼星星漸欲穿窗牖不待長亭
傾別酒一枝已入騷人手 淺淺柔黃輕蠟透過盡
冰霜便與春爭秀強對青銅簪白首老來風味難依
舊 愛日輕明新雪後清真
集作緩日輕明新雪後

又

桃萼新香梅落後葉暗藏鴉冉冉垂亭牖舞困低迷
如著酒亂絲偏近遊人手 雨過蒙朧斜日透客舍
青青特地添明秀莫話揚鞭回別首渭城荒遠無交
舊

又

小閣陰陰人寂後翠幕裏風燭影搖疎牖夜半霜寒

初索酒金刀正在柔荑手
粉薄絲輕光欲透小葉
尖新未放雙眉秀記得長條
垂鵲首別離情味還依
舊

又詠
柵

蠢蠢黃金初脫後暖日飛綿
取次黏窗牖不見長條
低拂酒贈行應已輸先手
鶯擲金梭飛不透小樹
危樓處處添奇秀何日
隋隄縈馬首路長人倦空思
舊

又早行○或作鳳
樓橋另入別卷

月皎驚烏栖不定更漏將闌
輾轉牽金井喚起兩眸
青炯炯淚花落枕紅綿冷
執手霜風吹鬢影去意

片玉詞上

去

徘徊別語愁難聽樓上闌干
橫斗柄露寒人遠鷄相
應

又下五闕青
眞集不載

魚尾霞生明遠樹翠壁黏天
玉葉迎風舉一笑相逢
蓬海路人間風月如塵土
翦水雙眸雲鬢吐醉倒
天飄笑語生青霧此會未闌
須記取桃花幾度吹紅
雨

又

美盼低迷情宛轉愛雨憐雲
漸覺寬金釧桃李香苞
秋不展深心黯黯誰能見
宋玉牆高纔一覘絮亂
絲繁苦隔春風面歌板未終
風色便夢爲蝴蝶留方

旬

又

晚步芳塘新霽後春意潛來迤邐通窗牖午睡漸多
濃似酒韶華已入東君手 嫩綠輕黃成染透燭下
工夫洩漏章臺秀擬插芳條須滿首管交風味還勝
舊

又

葉底尋花春欲暮折徧柔枝滿手真珠露不見舊人
空舊處對花惹起愁無數 卻倚闌干吹柳絮粉蝶
多情飛上釵頭住若遣郎身如蝶羽芳時爭肯拋人
去

片玉詞上

七

又

酒熟微紅生眼尾半額籠香冉冉飄衣袂雲壓寶釵
撩不起黃金心字雙垂耳 愁入眉痕添秀美無限
柔情分付西流水忽被驚風吹別淚只應天也知人
意

紅羅襖

畫燭尋懽去羸馬載愁歸念取酒東爐尊罍雖近採
花南圃蜂蝶須知 自分袂天闊鴻稀空懷乖夢約
心期楚客憶江離算宋玉未必爲秋悲

少年遊

感舊

并刀如水吳鹽勝雪纖指破新橙錦幄初溫獸香不

斷相對坐吹笙 低聲問向誰行宿城上已三更馬
滑霜濃不如休去直是少人行獸香不斷一作手香
不離非長安巧工作
博山香爐爲奇禽怪獸煙自口中出○相對坐吹笙
或用王建宮詞沈香火底坐吹笙句清真集又作相
對坐

又

簷牙縹緲小倡樓涼月掛銀鉤
席笙歌透簾燈火風景似揚州
當時面色欺春雪曾伴美人遊
今日重來更無人問獨自倚闌愁

又荆州作

南都石黛掃晴山衣薄奈朝寒
一夕東風海棠花謝樓上捲簾看
而今麗日明如洗南陌暖雕鞍
舊賞

片玉詞上

六

園林喜無風雨春鳥報平安

又雨後

朝雲漠漠散輕絲樓閣澹春姿
柳泣花啼九街泥重門外燕飛遲
而今麗日明金屋春色在桃枝
不似當時小樓衝雨幽恨兩人知

還京樂

禁煙近觸處浮香秀色相料理
正泥花時候奈何客裏光陰虛費
望箭波無際迎風漾日黃雲委任去遠
中有萬點相思清淚到長淮底過當時樓下殷勤
爲說春來羈旅況味堪嗟悞約乖期向天涯
自看桃李想如今應恨墨盈牋愁妝照水
怎得青鸞翼飛歸

教見憔悴

解連環 譜名玉蓮 怨別

怨懷無託嗟情人斷絕信音遼邈縱妙手能解連環
似風散雨收霧輕雲薄燕子樓空暗塵鎖一牀絃索
想移根換葉盡是舊時手種紅藥汀洲漸生杜若
料舟依岸曲人在天角記得當日音書把閒語閒言
待總燒卻水驛春迴望寄我江南梅萼拚今生對花
對酒為伊淚落 清真集拚今生為伊對花對酒淚落
把連環非放秦始皇遺齊君王后玉連環一作信妙手能
破之謝余使日謹以解矣

綺寮怨

片玉詞上

七九

上馬人扶殘醉曉風吹未醒映水曲翠瓦朱簷垂楊
裏乍見津亭當時曾題敗壁蛛絲罩淡墨苔暈青念
去來歲月如流徘徊久嘆息愁思盈 去去倦尋路
程江陵舊事何曾再問楊瓊舊曲淒清斂愁黛真誰
聽尊前故人如在想念我最關情何須渭城歌聲未
盡處先淚零 或於徘徊久嘆息下分段

玲瓏四犯

穠李天桃是舊日潘郎親試春豔自別河陽長負露
房煙臉憔悴鬢點吳霜細念想夢魂飛亂嘆畫闌玉
砌都換纔始有緣重見 夜深偷展香羅薦暗窗前
醉眠蔥蒨浮花浪蕊都相識誰更曾擡眼休問舊色

舊香但認取芳心一點奈又片時一陣風雨惡吹分

散細念想夢魂飛亂按譜第七句六言無細字

丹鳳吟春恨

迤邐春光無賴翠藻翻池黃蜂遊閣朝來風暴飛絮亂投簾幕生憎暮景倚牆臨岸杏靨天斜榆錢輕薄書永惟思傍枕睡起無慘殘照猶在庭角况是別離氣味坐來但覺心緒惡痛飲澆愁酒奈愁濃如酒無計銷鑠那堪昏暝蔽蔽半簷花落弄粉調朱柔素手問何時重握此時此意生怕人道著

憶舊遊清真集不載

記愁橫淺黛淚洗紅鉛門掩秋宵墜葉驚離思聽寒

片玉詞上

三

螢夜泣亂雨蕭蕭鳳釵半脫雲鬢窗影燭花搖漸暗竹敲涼疎螢照曉兩地魂消迢迢問音信道徑底花陰時認鳴鑣也擬臨朱戶歎因郎憔悴羞見郎招舊巢更有新燕楊柳拂河橋但滿眼京塵東風竟日吹露桃

拜星月慢

夜色催更清塵收露小曲幽坊月暗竹檻燈窗識秋娘庭院笑相遇似覺瓊枝玉樹相倚暖日明霞光爛水盼蘭情總平生稀見畫圖中舊識春風面誰知道自到瑤臺畔眷戀雨潤雲温苦驚風吹散念荒寒寄宿無人館重門閉敗壁秋蟲嘆怎奈向一縷相思

隔溪山不斷

水盼蘭情或作木盼蘭情非韓詩云吳魚嶺雁無消息水盼蘭情別日多

倒犯

詠月○清真集作吉了犯

霽景對霜蟾乍昇素煙如掃千林夜綺徘徊處漸移
深窈何人正弄孤影踟躕西窗悄冒露冷貂裘玉笋
邀雲表共寒光飲清醪 准左舊遊記送行人歸來

山路寫駐馬望素魄印遙碧金樞小愛秀色初娟好
念漂浮絲絲思遠道料異日宵征必定還相照奈何
人自老

共寒光飲清醪或作清醪非韻
改蜀都賦置酒高堂觴以清醪

減字木蘭花

清真集不載

風鬢霧鬢便覺蓬萊三島近水秀山明縹緲仙姿畫
不成 廣寒丹桂豈是天桃塵俗世只恐乘風飛上

片玉詞上

三

瓊樓玉宇中

木蘭花令

清真集不載○原本二首改殘
春一陣狂風雨是六一詞刪去

歌時宛轉饒風措鶯語清圓啼玉樹斷腸歸去月三
更薄酒醒來愁萬緒 孤燈翳翳昏如霧枕上依稀
聞笑語惡嫌春夢不分明忘了與伊相見處

驀山溪

此二闕清
真集不載

樓前疎柳柳外無窮路翠色四天垂數峰青高城闕
處江湖病眼偏向此山明愁無語空凝望兩兩昏鴉
去 平康巷陌往事如花雨十載卻歸來倦追尋酒
旗戲鼓今宵幸有人似月嬋娟霞袖舉杯深注一曲
黃金縷

又

江天雪意夜色寒成陣翠袖捧金蕉酒紅潮香凝沁
粉簾波不動新月淡籠明香破豆燭頻花滅字歌聲
穩恨眉羞斂往事休重問人去小庭空有梅梢一
枝春信檀心未展誰爲探芳叢消瘦盡洗妝勻應更
添風韻

青玉案

清俱集
不載

良夜燈光簇如豆占好事今宵有酒罷歌闌人散後
琵琶輕放語聲低顫滅燭來相就玉體儂人情何
厚輕惜輕憐轉啣溜雨散雲收眉兒皺只愁彰露那
人知後把我來僂僂

片玉詞上

五

一翦梅

海真集
不載

一翦梅花萬樣嬌斜插疎枝略點眉梢輕盈微笑舞
低回何事尊前拍手誤招夜漸寒深酒漸消袖裏
時聞玉釧輕敲城頭誰恁促殘更銀漏何如且慢明
朝

水調歌頭

中秋寄李伯紀大觀
文○清真集不載

今夕月華滿銀漢瀉秋寒風纏霧捲宛轉天陞玉樓
寬應是金華仙子又喜今年藥就收拾山河影都向
鏡中蟠□□□□橫霜竹吹明月到中天要令
四海遙望千古此輪安何處今年無月唯有謫仙著
語高絕莫能攀我故喚公起雲海路漫漫

南柯子

清真集
俱不載

寶合分時菓金盤弄賜冰曉來階下按新聲恰有一
方明月可中庭 露下天如水風來夜氣清嬌羞不
肯傍人行颺下扇兒拍手引流螢

又

膩頸凝酥白輕衫淡粉紅碧油涼氣透簾櫳指點庭
花低映雲母屏風 恨逐瑤琴寫書勞玉指封等閒
贏得瘦儀容何事不教雲雨略下巫峰

又

詠梳
兒

桂魄分餘量檀槽破紫心曉妝初試鬢雲侵每被蘭
膏香染色深沈 指印纖纖粉釵橫隱隱金有時雲

片玉詞上

三

兩鳳幃深長是枕前不見帶人尋

關河令

清真集不載
時刻清商怨

秋陰時晴漸向暝變一庭淒冷乍聽寒聲雲深無雁
影 更深人去寂靜但照壁孤燈相映酒已都醒如
何消夜永

鵲橋仙

清真集
不載

浮花浪蕊人間無數開徧朱朱白白瑤池一朵玉芙蓉
秋露洗丹砂眞色 晚涼拜月六銖衣動應被姮娥
認得翩然欲上廣寒宮橫玉度一聲天碧

花心動

清真集
不載

簾卷青樓東風滿楊花亂飄晴晝蘭袂褪香羅 恨寒

紅繡枕旋移相就海棠花謝春融暖
偎人恁嬌波頻溜象牀穩
鴛鴦多漫展浪翻紅縐
一夜情濃似酒香汗漬
鮫綃幾番微透鸞困鳳慵
姪姪雙眼畫也畫
難就問伊可煞於人厚
梅萼露臙脂檀口從此後
纖

雙頭蓮

清真集不載

一抹殘霞幾行新雁天染斷紅雲
迷暉影隱約望中點破晚空澄
碧助秋色門掩西風橋橫斜照青翼未
來濃塵自起咫尺鳳幃合有人相識
歎乖隔知甚時恁與同驚懼
適度曲傳觴竝鸞飛響綺陌畫堂連
夕樓頭千里帳底三更盡
堪淚滴怎生向總無聊但
片玉詞上

音

只聽消息

長相思

曉行○清真集俱不載

舉離觴掩洞房
箭水泠泠刻漏長
愁中看曉光
整羅裳
脂粉香見掃門前
車上霜
相持泣路旁

又

閨怨

馬如飛歸未歸
誰在河橋見別離
修楊委地垂
掩面啼人
怎知桃李成陰
鶯哺兒閒行
春盡時

又

舟中作

好風浮晚雨
收林葉陰陰
映鷁舟斜陽
明倚樓
黯凝眸
憶舊遊
艇子扁舟來
莫愁石城風浪秋

又

沙棠舟小棹遊池水澄澄人影浮錦鱗遲上鉤
煙
雲愁簫鼓休再得來時已變秋欲歸須少留

大有

清真集
不載

仙骨清羸沈腰憔悴見旁人驚怪消瘦柳無言雙眉
盡日齊鬪都緣薄倖賦情淺許多時不成懽偶幸自
也總由他何須負這心口 令人恨行坐呢斷了更
思量沒心永守前日相逢又早見伊仍舊卻更被温
存後都忘了當時僂懃便搗撮九百身心依前待有

萬里春

清真集
不載

千紅萬翠簇定清明天氣爲憐他種種清香好難爲
不醉 我愛深如你我心在個人心裏便相看老卻

片玉詞上

三

春風莫無些歡意

鶴冲天

溧水長壽鄉作
清真集俱不載

梅雨霽暑風和高柳亂蟬多小園臺榭遠池波魚戲
動新荷 薄紗廚輕羽扇枕冷簟涼深院此時情緒
此時天無事小神仙

又

白角簾碧紗廚梅雨乍晴初謝家池畔正清虛香散
嫩芙蓉 日流金風解愠一弄素琴歌舞慢搖紈扇
訴花牋吟待晚涼天

片玉詞卷上

終

片玉詞卷下

解語花

上元

風銷絳蠟露浥紅蓮燈市光相射桂華流瓦纖雲散
耿耿素娥欲下衣裳淡雅看楚女纖腰一把簫鼓喧
人影參差滿路飄香麝因念都城放夜望千門如
畫嬉笑游冶鈿車羅帕相逢處自有暗塵隨馬年光
是也唯只見舊情衰謝清漏移飛蓋歸來從舞休歌
罷

鎖陽臺

樓錢塘○清真集俱
不載○卽滿庭芳

山崦籠春江城吹雨暮天煙淡雲昏酒旗漁市冷落
杏花村蘇小當年秀骨縈蔓草空想羅裙潮聲起高

片玉詞下

樓噴笛五兩了無聞淒涼懷故國朝鐘暮鼓十載
紅塵但夢魂迢遞長到吳門聞道花開陌上歌舊曲
愁殺王孫何時見名娃喚酒同倒甕頭春

又

花撲鞭鞘風吹衫袖馬蹄初趁輕裝都城漸遠芳樹
隱斜陽未慣羈遊况味征鞍上滿目淒涼今宵裏三
更皓月愁斷九迴腸佳人何處去別時無計同引
離觴但唯有相思兩處難忘去卽十分去也如何向
下種思量凝眸處黃昏畫角天遠路歧長

又

白玉樓高廣寒宮闕暮雲如幃塞開銀河一派流出

碧天來無數星躔玉李冰輪動光滿樓臺登臨處全
勝瀛海弱水浸蓬萊雲鬢香霧溼月娥韻壓雲凍
江梅况食花飲露莫惜裴徊坐看人閒如掌山河影
倒入瓊杯歸來晚笛聲吹徹九萬里塵埃

過秦樓

清真集作選官子
或作惜餘春慢

水浴清蟾葉喧涼吹巷陌馬聲初斷閒依露井笑撲
流螢惹破畫羅輕扇人靜夜久凭闌愁不歸眠立殘
更箭嘆年華一瞬人今千里夢沈書遠空見說鬢
怯瓊梳容銷金鏡漸懶趁時勻染梅風地溽紅雨苔
滋一架舞紅都變誰信無聊爲伊才減江淹情傷荀
倩但明河影下還看稀星數點

水浴清蟾俗本作京
浴誤○情傷荀倩一

片玉詞下

二

作苟合非荀奉倩妻曹氏有豔色嘗病倩以冷身慰
之後卒倩嘆曰佳人難再得人用之不哭而傷神未
幾倩亦卒

解蹀躞

秋思

候館丹楓吹盡面旋隨風舞夜寒霜月飛來伴孤旅
還是獨擁秋衾夢餘酒困都醒滿懷離苦甚情緒
深念凌波微步幽房暗相遇淚珠都作秋宵枕前雨
此恨音驛難通待憑征雁歸時帶將愁去

蕙蘭芳引

秋懷

寒瑩晚空點青鏡斷霞孤鶩對客館深扇霜草未衰
更綠倦遊厭旅但夢繞阿嬌金屋想故人別後盡日
空疑風竹塞北甃甃江南圖障是處溫燠更花管

雲牋猶寫寄情舊曲音塵迢遞但勞遠目今夜長爭
奈枕單人獨

六么令

重陽

快風收雨亭館清殘燠池光靜橫秋影岸柳知新沐
聞道宜城酒美昨日新醅熟輕鑣相逐衝泥策馬來
折東籬半開菊華堂花豔對列一一驚郎目歌韻
巧共泉聲間雜琮琤玉惆悵周郎已老莫唱當時曲
幽歡難卜明年誰健更把茱萸再三囑

間雜琮琤玉
清真集作間

雜琮
哀玉

紅林擒近

詠雪

高柳春纔軟凍梅寒更香暮雪助清峭玉塵散林塘

片玉詞下

三

那堪飄風遞冷故遣度幕穿窗似欲料理新妝呵手
弄絲簧冷落詞賦客蕭索水雲鄉援毫授簡風流
猶憶東梁望虛簷徐轉迴廊未掃夜長莫惜空酒觴

又雪
晴

風雪驚初霽水鄉增暮寒樹杪墮毛羽簷牙挂琅玕
才喜門堆巷積可惜迤邐銷殘漸看低竹翩翩清池
漲微瀾步屐晴正好宴席晚方歡梅花耐冷亭亭
索人冰盤對前山橫素愁雲變色放杯同覓高處看

酒路花詞

金花落燼燈銀礫鳴窗雪庭深微漏斷行人絕風扉
不定竹圍琅玕折玉人新間闕著這情懷更當恁地

時節 無言欹枕帳底流清血愁如春後絮來相接
知他那裏爭信人心切除共天公說不成也還
無箇分別

又冬景

簾烘淚雨乾酒壓愁城破冰壺防飲渴培殘火朱消
粉褪絕勝新梳裏不是寒宵短日上三竿婦人猶要
同卧 如今多病寂寞章臺左黃昏風弄雪門深鎖
蘭房密愛萬種思量過也須知有我著甚情懷但你
忘了人呵

氏州第一

清真集作熙州
摘偏字句稍異

波落寒汀村渡向晚遙看數點帆小亂葉翻鴉驚風

片玉詞下

四

破雁天角孤雲縹緲宮柳蕭疎甚尚挂微殘照景
物關情川途換目頓來催老 漸解狂朋歡意少奈
猶被思牽情繞座上琴心機中錦字覺最縈懷抱也
知人懸望久薔薇謝歸來一笑欲夢高唐未成眠霜
空已曉

尉遲杯

別

隋隄路漸日晚密靄生深樹陰陰淡月籠沙還宿河
橋深處無情畫舸都不管煙波隔前浦等行人醉擁
重衾載將離恨歸去 因思舊客京華長俛傍疎林
小檻歡聚冶葉倡條俱相識仍慣見珠歌翠舞如今
向漁村水驛夜如歲焚香獨自語有何人念我無聊

夢魂凝想鴛侶

塞翁吟

夏景

暗葉啼風兩窗外
曉色隴臆散水麝小池東亂一岸
芙蓉蘄州簾展
霞紋浪輕帳翠縷如空夢遠別淚痕
重淡鉛臉斜紅
冲冲嗟憔悴新寬帶結羞豔冶都
銷鏡中有蜀紙堪憑寄恨等今夜灑血書詞剪燭親
封菖蒲漸老早晚成花教見薰風
等今夜灑血書詞
或作灑淚書詞非
韓愈云剗肝以爲
紙灑血以書詞

繞佛閣

旅况

暗塵四斂樓觀迥出高映孤館清漏將短
厭聞夜久籤聲動書幔桂華又滿閒步露草偏愛幽遠花氣清

片玉詞下

五

婉望中迤邐城陰度河岸
倦客最蕭索醉倚斜橋
穿柳線還似汴隄虹梁橫水面看浪颭春燈舟下如
箭此行重見嘆故友難逢羈思空亂兩眉愁向誰行
展

慶春宮

悲秋○或刻柳耆卿○
偏憐嬌鳳作唯他絕藝

雲接平崗山圍寒野路回漸轉孤城衰柳啼鴉驚風
驅雁動人一片秋聲倦途休駕澹煙裏微芒見星塵
埃憔悴生怕黃昏離思牽縈
華堂舊日逢迎花豔
參差香霧飄零絃管當頭偏憐嬌鳳夜深篋暖笙清
眼波傳意恨密約匆匆未成許多煩惱只爲當時一
餉留情

滿江紅春閨

晝日移陰攬衣起春帷睡足臨寶鑑綠雲撩亂未權
裝束蝶粉蜂黃都褪了枕痕一線紅生玉背畫闌脈
脈儘無言尋棋局重會面猶未卜無限事縈心曲
想秦箏依舊尙鳴金屋芳草連天迷遠望寶香薰被
成孤宿最苦是蝴蝶滿園飛無心撲

丁香結

蒼蘚沿階冷螢粘屋庭樹望秋先隕漸雨淒風迅澹
暮色倍覺園林清潤漢姬紈扇在重吟玩棄擲未忍
登山臨水此恨自古銷磨不盡牽引記醉酒歸時
對月同看雁陣寶幄香纓熏爐象尺夜寒燈暈誰念

片玉詞下

六

留滯故國舊事勞方寸唯丹青相伴那更塵昏蠹損

三部樂梅雪

浮玉飛瓊向邃館靜軒軒倍增清絕夜窗垂練何用交
光明月聞道宮閣多梅趁暗香未遠凍蕊初發倩誰
折取持贈情人桃葉回紋近傳錦字道爲君瘦損
是人都說秋知染紅著手膠梳黏髮轉思量鎮長墮
睫都只爲情深意切欲報信息無一句堪喻愁結

西河金陵懷古

佳麗地南朝盛事誰記山圍故國繞清江髻鬟對起
怒濤寂寞打孤城風檣遙度天際斷崖樹猶倒倚莫
愁艇子曾繫空餘舊迹鬱蒼蒼霧沈半壘夜深月過

女牆來賞心東望淮水 酒旗戲鼓甚處是想依稀

王謝鄰里燕子不知何世向尋常巷陌人家相對如

說興亡斜陽裏花庵詞選作三疊風檣遙望天際作一截賞心東望淮水又作一截清

真集在空餘舊迹分段

又清真集不載

長安道瀟灑西風時起塵埃車馬晚游行霸陵煙水
亂鴉棲鳥夕陽中參差霜樹相倚到此際愁如葦冷
落關河千里追思唐漢昔繁華斷碑殘記未央宮闕
已成灰終南依舊濃翠 對此景無限愁思繞天涯
秋蟾如水轉使客情如醉想當時萬古雄名盡作往
來人淒涼事

片玉詞下

七

一寸金新定詞

州夾蒼崖下枕江山是城郭望海霞接日紅翻水面
晴風吹草青搖山腳波暖鳧鷖作沙痕退夜潮正落
疎林外一點炊煙渡口參差正寥廓 自歎勞生經
年何事京華信漂泊念渚蒲汀柳空歸間夢風輪雨
檝終辜前約情景牽心眼流連處利名易薄迴頭謝
冶葉倡條便入漁釣樂

瑞鶴仙

悄郊原帶郭行路永客去車塵漠漠斜陽映山落斂
餘紅猶戀孤城闌角凌波步弱過短亭何用素約有
流鶯勸我重解繡鞍緩引春酌 不記歸時早暮上

馬誰扶醒眠未閣驚飈動幕扶殘醉繞紅藥嘆西園
己是花深無地東風何事又惡任流光過卻猶喜洞
天自樂

又清眞集
不載

暖煙籠細柳弄萬縷千絲年年春色晴風蕩無際濃
於酒偏醉情人調客闌干倚處度花香微散酒力對
重門半掩黃昏淡月院宇深寂愁極因思前事洞
房佳宴正值寒食尋芳徧賞金谷里銅隨陌到而今
魚雁沈沈無信息天涯常是淚滴早歸來雲館深處
那人正憶

浪淘沙慢
別恨

片玉詞下

八

曉陰重霜凋岸草霧隱城堞南陌脂車待發東門悵
飲乍闕正拂面垂楊堪攬結掩紅淚玉手親折念漢
浦離鴻去何許經時信音絕情切望中地遠天闊
向露冷風清無人處耿耿寒漏咽嗟萬事難忘唯是
輕別翠尊未竭憑斷雲留取西樓殘月羅帶光銷紋
衾疊連環解舊香頓歇怨歌永瓊壺敲盡缺恨春去
不與人期弄夜色空餘滿地梨花雪

時刻在情
切分段

又清眞集
不載

萬葉戰秋聲露結雁度砂磧細草和煙尙綠遙山向
晚更碧見隱隱雲邊新月白映落照簾幕千家聽數
聲何處倚樓笛裝點盡秋色脈脈旅情暗自消釋

念珠玉臨水猶悲感何况天涯客憶少年歌酒當時
蹤跡歲華易老衣帶寬懊惱心腸終窄飛散後風流
人阻藍橋約悵恨路隔馬蹄過猶嘶舊巷陌歎往事
一一堪傷曠望極凝思又把闌干拍

西平樂

元豐初予以布衣西上過天長道中後
四十餘年辛丑正月二十六日避賊復

遊故地感歎
月偶成此詞

穉柳蘇晴故溪渴雨川迴未覺春賒駝褐寒侵正憐
初日輕陰抵死須遮歎事逐孤鴻去盡身與塘蒲共
晚爭知向此征途區區豈立塵沙追念朱顏翠髮曾
到處故地使人嗟道連三楚天低四野喬木依前
臨路欹斜重慕想東陵晦迹彭澤歸來左右琴書自

片玉詞下

九

樂松菊相依何况風流鬢未華多謝故人親馳鄭驛
時倒融尊勸此淹留共過芳時翻令倦客思家

玉燭新
早梅

溪源新臘後見數朶江梅翦裁初就暈酥砌玉芳莢
嫩故把春心輕漏前村昨夜想弄月黃昏時候孤岸
峭疎影橫斜濃香暗沾襟袖尊前賦與多才問嶺
外風光故人知否壽陽漫鬪終不似照水一枝清瘦
風嬌雨秀好亂插繁華盈首須信道羌笳無情看看
又奏

南鄉子

晨色動妝樓短燭熒熒悄未收自在開簾風不定颺

颺池面冰漸趁水流 早起怯梳頭欲縮雲鬢又卻
休不會沈吟思底事凝眸兩點春山滿鏡愁

又四闕清
眞集不載

秋氣繞城闌暮角寒鴉未掩門記得佳人衝雨別
分別緒多於雨後雲 小棹碧溪津恰似江南第一
春應是採蓮閒伴侶相尋收取蓮心與舊人

又

寒夜夢初醒行盡江南萬里程早是愁來無會處時
聽敗葉相傳細雨聲 書信也無憑萬事由他別後
情誰信歸來須及早長亭短帽輕衫走馬迎

又詠秋
夜

片玉詞下

十

戶外井桐飄淡月疎星共寂寥恐怕霜寒初索被中
宵已覺秋聲引雁高 羅帶束纖腰自翦燈花試彩
毫收起一封江北信明朝爲問江頭早晚潮

又撥燕
巢

輕軟舞時腰初學吹笙苦未調誰遣有情知事早相
撩暗舉羅巾遠見招 癡駭一團嬌自折長條撥
巢不道有人潛看著從教掉下鬢心與鳳翹

望江南

歌席上無賴是橫波寶髻玲瓏欹玉燕繡巾柔膩掩
香羅人好自宜多 無箇事因甚斂雙蛾淺淡梳妝
疑見畫惺鬆言語勝聞歌何況會婆娑

又春遊

遊妓散，獨自繞回隄。芳草懷煙迷，水曲密雲銜雨暗。
城西九陌未霑泥。桃李下春晚，自成蹊。牆外見花
尋路轉，柳陰行馬過。鶯啼無處不悽悽。

浣溪紗

不爲蕭娘舊約寒，何因容易別長安。預愁衣上粉痕
乾。幽閣深沈燈焰喜，小爐隣近酒杯寬。爲君門外
脫歸鞍。

又

翠葆參差竹徑成，新荷跳雨碎珠傾。曲闌斜轉小池
亭。風約簾衣歸燕急，水搖扇影戲魚驚。柳梢殘日

片玉詞下

十一

弄微晴

又

寶扇輕圓淺畫，繒象牀平穩。細穿藤、飛蠅不到，避壺
冰。翠枕面涼，偏益睡玉簫。手汗錯成聲。日長無力
要人凭。

又

薄薄紗幮望似空，簟紋如水浸芙蓉。起來嬌眼未惺
惚。強整羅衣，擡皓腕，更將紈扇掩酥胸。羞郎何事
面微紅。

又

爭挽桐花雨，鬢垂小妝。弄影照清池。珠簾踏襪趁蜂

兒 跳脫添金雙腕重琵琶破撥四絃悲夜寒誰肯
翦春衣

又 或刻歐陽永叔

雨過殘紅溼未飛疎籬一帶透斜暉遊蜂釀蜜竊香
歸 金屋無人風竹亂夜篝盡日水沈微一春須有
憶人時

又

日薄塵飛官路平眼明喜見汴河傾地遙人倦莫兼
程 下馬先尋題壁字出門閒記榜村名早收燈火
夢傾城

又

片玉詞下

三

貪向津亭擁去車不辭泥雨濺羅襦淚多脂粉了無
餘 酒釀未須令客醉路長終是少人扶早教幽夢
到華胥

又

或刻李易安

樓上晴天碧四垂樓前芳草接天涯勸君莫上最高
梯 新筍看成堂下竹落花都上燕巢泥忍聽林表
杜鵑啼

又

日射欹紅臘蒂香風乾微汗粉襟涼碧綃對捲簾紋
光 自翦柳枝明畫閣戲拋蓮葯種橫塘長亭無事
好思量

浣溪紗慢

清真集不載

水竹舊院落櫻筍新蔬果嫩英翠幄紅杏交榴火心事暗卜葉底尋雙朶深夜歸青鎖燈盡酒醒時曉窗明釵橫鬢髻怎生那被間阻時多奈愁腸數疊幽恨萬端好夢還驚破可怪近來傳語也無個莫是嗔人呵真個若嗔人卻因何逢人問我

點絳脣

孤館迢迢暮天草露霑衣潤夜來秋近月暈通風信今日源頭黃葉飛成陣知人悶故來相趁共結臨歧恨

又

片玉詞下

三

遼鷗歸來故鄉多少傷心地寸書不寄魚浪空千里憑仗桃根說與相思意愁無際舊時衣袂猶有東風淚

又

征騎初停酒行莫放離歌舉柳汀蓮浦看盡江南路苦恨斜陽冉冉催人去空回顧淡煙橫素不見揚鞭處

酒行莫放離歌舉清真集作畫筵欲散離歌舉

又

臺上披襟快風一瞬收殘雨柳絲輕舉蛛網黏飛絮極目平蕪應是春歸處愁凝伫楚歌聲苦村落黃昏鼓

夜遊宮

客去車塵未斂古簾暗雨苔千點月皎風清在處見
奈今宵照初絃吹一箭池曲河聲轉念歸計眼迷
魂亂明日前村更荒遠且開尊任紅鱗生酒面

又 秋暮
晚景

葉下斜陽照水捲輕浪沈沈千里橋上酸風射眸子
立多時看黃昏燈火市古屋寒窗底聽幾片井桐
飛墜不戀單衾再三起有誰知爲蕭娘書一紙

又 清眞集
不載

一陣斜風橫雨薄衣潤新添金縷不謝鉛華更清素
倚筠窗弄么絃嬌欲語小閣橫香霧正年少小娥

片玉詞下

古

愁緒莫是栽花被花妬甚春來病懨懨無會處

訴衷情 殘
杏

出林杏子落金盤齒輒怕嘗酸可惜半殘青子猶印
小脣丹南陌上落花閒雨班班不言不語一段傷
春都在眉間

又

隄前亭午未融霜風緊雁無行重尋舊日歧路茸帽
北遊裝期信杳別離長遠情傷風翻酒幔寒凝茶
煙又是何解

又 清眞集
不載

當時選舞萬人長玉帶小排方喧傳京國聲價年少

最無量 花閣迥酒筵 香想難忘而今何事 佯向人

前不認 周郎喧傳京國聲價時 刻讓與都城聲價

一落索清真集作 洛陽春

眉共春山爭秀 可憐長皺 莫將清淚溼花枝 恐花也
如人瘦 清潤玉簫閒久 知音稀有 欲知日日倚闌
愁 但問取亭前柳

又

杜宇催歸聲苦 和春歸去 倚闌一霎酒旗風 任撲面
桃花雨 日斷隴雲江樹 難逢尺素 落霞隱隱日平
西料想是分攜處

迎春樂

片玉詞下

五

清池小圃開雲屋 結春伴往來 熟憶年時縱酒杯 行
速看月上歸禽宿 牆裏修篁 森似束 記名字 曾刊
新綠 見說別來長冷 翠蘚封寒玉

又

桃溪柳曲閒蹤跡 俱曾是大隄 客解春衣 貫酒城南
陌 頻醉卧胡姬側 鬢點吳霜 嗟早白 更誰念 玉溪
消息 他日水雲身 相望處 無南北

又 嬌

人人豔色明春柳 憶筵上偷攜手 趁歌停舞歇 來相
就 醒醒箇無些酒 比日香囊 新刺繡 連隔座 一時
薰透 爲甚月中歸長 是他隨車後

虞美人

燈前欲去仍留戀腸斷朱扉遠不須紅雨洗香腮待
得薔薇花謝便歸來舞腰歌板閒時按一任傍人
看金爐應見舊殘煤莫遣恩情容易似寒灰

又

廉纖小雨池塘徧細點破萍面一雙燕子守朱門此
似尋常時候易黃昏宜城酒泛浮春絮細作更闌
語相看羈思亂如雲又是一窗燈影兩愁人

又

疎籬曲徑田家小雲樹開秋曉天寒山色有無中野
外一聲鐘起送孤篷添衣策馬尋亭堠愁抱惟宜

片玉詞下

六

酒菰蒲睡鴨占陂塘縱被行人驚散又成雙

又一本無
此首

淡雲籠月松溪路長記分攜處夢魂連夜繞松溪此
夜相逢恰似夢中時海山陡覺風光好莫惜金尊
倒柳花吹雪燕飛忙生怕扁舟歸去斷人腸

又

玉解絲絳朱絃悄彈指壺天曉回頭猶認倚牆花只
向小橋南畔便天涯銀蟾依舊當窗滿顧影魂先
斷淒風休颭半殘燈擬倩今宵歸夢到雲屏

又

金闈平帖春雲暖晝漏花前短玉顏酒解豔紅消一

向捧心啼困不成嬌 別來新翠迷行徑窗鎖玲瓏

影羽綾小字夜來封斜倚曲闌凝睇數歸鴻研綾小字夜來

封一作研綾非王介甫詩小研紅綾間詩句

醉桃源清真集作阮郎歸

冬衣初染遠山青雙絲雲雁綾夜寒袖溼欲成冰都

綉珠淚零情黯黯悶騰騰身如秋後蠅若教隨馬

逐郎行不辭多少程

又

菖蒲葉老水平沙臨流蘇小家畫闌曲徑宛秋蛇金

英垂露華燒密炬引蓮娃酒香醺臉霞再來重約

日西斜倚門聽暮鴉

戶玉詞下

鳳來朝佳人佳

逗曉看嬌面小窗深弄明未辨愛殘妝宿粉雲鬟亂

最好是帳中見說夢雙蛾微斂錦衾溫獸香未斷

待起難捨拚任日灸畫樓暖待起難捨拚清真集作待起又如何拚

垂絲釣

縷金翠羽妝成纔見眉嫵倦倚玉匳看舞風絮愁幾

許寄鳳絲雁柱春將暮向層城宛路鈿車如水時

時花徑相遇舊遊伴侶還到曾來處門掩風和雨梁

燕語問那人在否

粉蝶兒慢

宿霧藏春餘寒帶雨占得羣芳開晚豔初弄秀倚東

風嬌嬾隔葉黃鸝傳好音喚入深叢中探數枝新比
昨朝又早紅稀香淺 眷戀重來倚檻當韶華未可
輕辜霎眼賞心隨分樂有清尊檀板每歲嬉遊能幾
日莫使一聲歌欠忍因循片花飛又成春減

紅窗迴

幾日來真個醉不知道窗外亂紅已深半指花影被
風搖碎 擁春醒乍起有個人人生得濟楚來向耳
畔問道今朝醒未情性兒慢騰騰地惱得人又醉

念奴嬌

清真集
不載

醉魂乍醒聽一聲啼鳥幽齋岑寂淡日朦朧初破曉
滿眼嬌情天色最惜香梅凌寒偷綻漏泄春消息池

片玉詞下

六

塘芳草又還淑景催逼 因念舊日芳菲桃花永巷
恰似初相識在苒時光因慣卻覓雨尋雲蹤跡奈有
離拆瑤臺月下回首頻思憶重愁疊恨萬般都在胸
臆

黃鸝繞碧樹

靄闕籠佳氣寒威日晚歲華將暮小院閒庭對寒梅
日雪凝素忍當迅景動無限傷春情緒猶賴是
上苑風光漸好芳容將煦 草莢蘭芽漸吐且尋芳
更休思慮這浮世甚驅馳利祿奔競塵土縱有魏珠
照乘未買 待流

榴花醉偎瓊樹清道集作
爭如盛飲 霞醉偎瓊樹

引榴花醉偎瓊樹 爭如

鬢雲鬆令

送傅國華奉使三韓○清真集不載卽蘇幕遮

鬢雲鬆眉葉聚一闕離歌不爲行人駐檀板停時君
看取數尺鮫綃半是梨花雨鷺飛遙天尺五鳳閣
鸞坡看卽飛騰去今夜長亭臨別處斷梗飛雲盡是
傷情緒

芳草渡

昨夜裏又再宿桃源醉邀仙侶聽碧窗風快疎簾半
捲愁雨多少離恨苦方留連啼訴鳳帳曉又是匆匆
獨自歸去愁顧滿懷淚粉瘦馬衝泥尋去路漫回
首煙迷望眼依稀見朱戶似癡似醉暗惱損凭闌情
緒澹暮色看盡栖鴉亂舞

歸去難期

片玉詞下

九

佳約人未知背地伊先變惡會稱停事看深淺如今
信我委的論長遠好彩無可怨自合教伊推些事後
分散密意都休待說先賜斷此恨除非是天相念
堅心更守未死終須見多少閑磨難到得其時知他
做甚頭眼

燕歸梁

詠曉○清真集不載

簾底新霜一夜濃短燭散飛蟲曾經洛浦見鷺鴻關
山隔夢魂通明星晃晃津回路轉榆影步花聰欲
攀雲駕倩西風吹清血寄玲瓏

南浦

清真集不載

淺帶一帆風向晚來扁舟穩下南浦迢遞阻瀟湘
皇迥斜牋蕙蘭汀渚危檣影裏斷雲點點遠天暮齒
苔裏風偷送清香時微微度 吾家舊有簪纓甚頓
作天涯經歲羈旅羌管怎知情煙波上黃昏
緒無言對月皓彩千里人何處恨無鳳翼身只待而
今飛將歸去

醉落魄

清真集
不載

暮金細弱秋風嫩桂花初著蕊珠宮裏人難學花染
嬌萸羞映翠雲幄 清香不與蘭蓀約一枝雲鬢巧
梳掠夜涼輕撼薔薇夢香滿衣襟月在鳳凰閣

留客住

清真集
不載

片玉詞下

三

嗟烏兔正茫茫相催無定只恁東生西沒半均寒暑
昨見花紅柳綠處處林茂又覩霜前籬畔菊散餘香
看看又還秋暮 忍思慮念古往賢愚終歸何處爭
似高堂日夜笙歌齊舉選甚連宵徹晝再三留住待
擬沈醉扶上馬怎生向主人未肯交去

長相思慢

清真集
不載

夜色澄明天街如水風力微冷簾旌幽期再偶坐久
相看纔喜欲歎還驚醉眼重醒映離闌脩竹共數流
螢細語輕輕儘銀臺挂蠟潛聽 自初識伊來便惜
妖嬈豔質美盼柔情桃溪換世鸞馭凌空有願須成
遊絲蕩絮任輕狂相逐牽縈但連環不解難負深盟

時菊伊漣環不解下
有流水長東四字誤

看花迴

眼

秀色芳容明眸就中奇絕細看豔波欲溜最可惜微
重紅銷輕帖勻朱傅粉幾爲嚴妝時沈曉因個甚底
死嗔人半餉斜盼費貼燮斗帳裏濃懽意愜帶困
時似聞微合曾倚高樓望遠自笑指頻矚知他誰說
那日分飛淚雨縱橫光映頰搵香羅恐揉損與他衫
袖裏

又

蕙風初散輕暖霽景澄潔秀蕊乍開乍斂帶雨態煙
痕春思紆結危絃弄響來去驚人鶯語滑無賴處麗

片玉詞下

三

日樓臺亂絲歧路總奇絕何計解黏花繫月歎冷
落頓辜佳節猶有當時氣味挂一縷相思不斷如髮
雲飛帝國人在雲邊心暗折語東風共流轉漫作匆
匆別

或在粘花繫
月下分段非

月下笛

清眞集
不載

小雨收塵涼蟾瑩徹水光浮壁誰知怨抑靜倚官橋
吹笛映宮牆風葉亂飛品高調側人未識想開元舊
譜柯亭遺韻盡傳胸臆闌干四繞聽折柳徘徊數
聲終拍寒燈陋館最感平陽孤客夜沈沈雁啼正哀
片雲盡卷清漏滴黯凝魂但覺龍吟萬壑天籟息

片玉詞卷下

終

片玉詞補遺

十六字令

咏月○見天機餘錦

明月影穿窗白玉錢無人弄移過枕函邊

浣溪沙

春景○見草堂詩筆

水漲魚天拍柳橋雲鳩拖雨過江皋一番春信入東
邗閒碾鳳團消短夢靜看燕子壘新巢又移日影
上花梢

又

春景○或刻歐陽承反

小院閒窗春色深重簾未捲影沈沈倚樓無語理瑤
琴遠岫出雲催薄暮細風吹雨弄輕陰梨花欲謝
恐難禁

片玉詞補遺

憶秦娥

佳人○或刻蘇子瞻

香馥馥尊前有箇人如玉人如玉翠翹金鳳內家妝
束嬌羞愛把眉兒蹙逢人只唱相思曲相思曲一
聲聲是怨紅愁綠

柳梢青

佳人○見草堂詩餘

有箇人人海棠標韻飛燕輕盈酒暈潮紅羞蛾凝綠
一笑生春為伊無限傷心更說甚巫山楚雲斗帳
香消紗窗月冷著意溫存

南鄉子

秋懷○見詩林萬選

夜闕夢難收宋玉多情我結儔千點漏聲萬點淚悠
悠霜月雞聲幾段愁難展皺眉頭怨句哀吟送客

秋蟪蟀牀頭調夜曲啾啾又聽驚人雁過樓

蘇幕遮

風情○見草堂詩餘

隴雲沈新月小楊柳梢頭能有春多少試著羅裳寒
尚峭簾捲青樓占得東風早翠屏深香篆裊流水
落花不管劉郎到三疊陽關聲漸杳斷雨殘雲只怕
巫山曉

畫錦堂

閨情○見草堂詩餘

兩洗桃花風飄柳絮日日飛滿雕簷懊惱一春幽恨
盡屬眉尖愁聞雙飛新燕語更堪孤枕宿醒歡雲鬢
亂獨步畫堂輕風暗觸珠簾多厭晴晝永瓊戶悄
香銷金獸慵添自與蕭郎別後事事俱嫌短歌新曲

片玉詞補遺

三

無心理鳳簫龍管不曾拈空惆悵常是每年三月病
酒懨懨

齊天樂

端午○或刻無名氏

疎疎幾點黃梅雨佳時又逢重午角黍包金香蒲泛
玉風物依然荆楚形裁艾虎更釵裊朱符臂纏紅纓
撲粉香綿喚風綾扇小窗午沈湘人去已遠勸君
休對景感時懷古慢囀鶯喉輕敲象板勝讀離騷章
句荷香暗度漸引入醺醺醉鄉深處卧聽江頭畫船
喧韻鼓

女冠子

雪景○或刻柳耆卿

同雲密布撒梨花柳絮飛舞樓臺悄似玉向紅爐暖

閣院宇深沈廣排筵會聽笙歌猶未徹漸覺輕寒透
簾穿戶亂飄僧舍密灑歌樓酒帘如故想樵人山
徑迷蹤路料漁父收綸罷釣歸南浦路無伴侶見孤
村寂寞招颺酒旗斜處南軒孤雁過嚙嚙聲聲又無
書度見臘梅枝上嫩蕊兩兩三三微吐

片玉詞補遺

三

片玉詞補遺

終

美成於徽宗時提舉大晟樂府故其詞盛傳於世余家藏凡三本一名清真集一名美成長短句皆不滿百闕最後得宋刻片玉集二卷計調百八十有奇晉陽強煥爲敘余見評注靡襍一一削去釐其訛謬間有茲集不載錯見清真諸本者附補遺一卷美成庶無遺憾云若乃諸名家之甲乙久著人間無待予備述也湖南毛晉識

片玉詞跋

10392

